

• ЎЗБЕКИСТОН РЕСПУБЛИКАСИ БОЛАЛАР ЖАМҒАРМАСИ ҲАФТАЛИГИ •

• Баҳоси эркин нарҳда •

— Ўзбекистонда мен севиб ўқийдиган иккита газета бор. Биринчиси "Оила ва жамият" бўлса, иккинчиси "Ўзбекистон адабиёти ва санъати" ёки биринчиси "Ўзбекистон адабиёти ва санъати" бўлса, иккинчиси "Оила ва жамият" дир.

Сизнинг газетангизда ёзилмаган нарсанинг ўзи йўқ. Шеър бор, ҳикоя бор, санъат бор, театр бор, савоб бор, гуноҳни ҳам қўймайсизлар.

Яхшилик ва ёмонликни - да, фойда билан зарарни - да қолдирмай ёзаясизлар. Мухими ўқийдиган одам топилса бас, ўқиладиган мақолалар тиқилиб ётибди.

— Яна нималар ҳақида ёзишни тавсия этасиз!

— Тафаккурни бойитадиган ҳамма нарсани ёзаверингизлар. Мен истайманки одамлар тижорат дўконларининг олдида эмас, балки китоб ва газета дўконлари олдида қатормақатор навбатга туришсин. Ўқиб маънавияти бойинсин, инсоний қиёфаси, чеҳраси бироз ёришсин. Имкон қадар ота-онасини, ака-укаларини, опа-сингилларини қўйингки, бутун-бутун инсониятни касбидан, мансабидан, шухратидан қатъий назар қадрига етадиган бўлсин.

— "Оила ва жамият"нинг нархи ўқувчиларга бироз қимматлик қилмаяптимикин!

— Ҳечам, дўст. Битта ароқ 25, 30 сўм бўлган пайтда газета бор-йўғи 3 сўм турса бунинг нимаси қиммат. Ароқ одамни захарлайди, газета эса қалбни, иймонни поклаб ду-

ЎҚИШГА ЭХТИЁЖ СЕЗИШСИН

ЎКИ ТАНИҚЛИ АКТЕР ЭРКИН КОМИЛОВ «ОИЛА ВА ЖАМИЯТ» ҲАҚИДА НИМАЛАР ДЕЙДИ?

Обуна — 95

неқарашни, руҳий кенгликни мустаҳкамлайди. Яъни у бизни ҳар томонлама даволайди. Демак биз ҳозир 25 сўм билан захарланиб, 3 сўмга даволанмоқдамиз-ку.

— Газетамизни роса мақтадингиз, эҳтимол камчиликлари ҳам бордир!

— Камчилиги шуки, мен ёмон кўрган футбол тўғрисида ҳам мақолалар берасиз-да. Ҳазил, дўст, хафа бўлмайсиз.

— Фикрларингиз учун раҳмат. Энди бизга хизматлар бўлса марҳамат, тайёрмиз.

— Сизларга керак бўлмай қолдим шекилли камроқ йўқлаясиз. (ҳазил). Бир тиш дўхтиридан "Оғайнижон нега сиз юрак дўхтири эмас, айнан тиш дўхтирлигини танлагансиз" деб сўрашса, у киши "Одамнинг юраги битта, тишлари эса нақд ўттиз иккита". Борди-ю юрак дўхтири бўлганимда битта юракни даволаб бўлгач ишсиз қолардим. Тишлар кўп бўлгани учун бемалол навбатма-навбат даволайвераман. Шу баҳона ишсиз ҳам қолмайман" деган экан. Демокчиманки, одамзод ҳамisha ўз эҳтиёжи устида бош қотиради. Сизлар газетангизга шундай мақолалар ёзингки, одамлар ўқишга эҳтиёж сезишсин.



Қулоқ қанча чўзилиш хусусиятига эга? (8-саҳифани ўқинг).

«Оила ва жамият» 41 [164]

Бир куни

“АМАКИЛАР“ИНИНГ ФОЙДАСИГА ЙИҒЛАГАН ГЎДАК

Темир йўл вокзалидаги олдиндан билет сотиш кассаларидан бирнга бордим-у навбатга кўшилдим. Кўпчилиكنинг навбатда туриб асаблари таранглашган шекилли, дам соатга қараб тўнгиллашса, дам навбатнинг секин камаётганидан холишарди. Куттиш кимга ҳам еқарди, дейсиз. Айниқса, одам ўз уйига, мўлжалдаги манзилга шошаётган бўлса... Қисқаси, навбатдагилар учун битта гап ортиқча, яримта гап камлик қиладиган бир ҳолат ҳукмрон эди. Шунда билет кассасига бола кўтарган аёл навбатсиз яқинлашди ва тоқати тоқ бўлганларга ҳам гап топилди, кўйди. Худлас, бирови кекса, касал ҳолатда навбатда тураётганини пеш қилиб аёлга бақирса, яна бирови қондага кўра, беш кишидан кейин билет олиши мумкинлигини аёлга уқтирарди. Бироқ, аёл ҳам ўз гапиди туриб олди. Қолаверса, у болам еш, буниинг

устига касал деб навбатда турганларга зорлардан. Бу шовқиндан онанинг кўлидаги гўдак чўчидими, аксига олиб чинқириб йиғлаб юборди. Хаёлимдан “бечора она, еш боласи билан елгиз йўлга чиқиб анча ташвиш тортади-да деган фикр ўтди. Чипта сотувчининг ҳам еш бола йиғисига сабри чидамади шекилли, бирпасда бешта билетни езиб берди. Аёл эса болани тинчлантиришни ҳам, билет олганига хурсанд бўлишни ҳам билмай, гайритабиий бир алфозда шериклари томонга шошилди.

Унинг шериклари шундоқ бизнинг яқингинамизда турган басавлат, мучаси бутун эркак кишилар экан.

А. САФАРОВ



Б. ОБИДЖОНОВ сурати

Акс - садо

“ЎЗИМИЗГА БОҒЛИҚ“

“Оила ва жамиятнинг” 36 сониди босилган “Кимнинг ўғлисан” номи мақолани ўқиб ўйланиб қолдим. Чинданам, ҳозирги кунда баъзи оилаларда ота-она ўртасидаги муносабат фарзандларга ўрнатилган даражада эмас. Баъзи оилаларда эр-хотин ўртасида бир-бирига ҳурмат йўқ ҳисоби. Айрим оилаларда аёлнинг эрга нисбатан ўзини юқори тутушига интилиш бор. Бир танишимнинг оиласида шундай ҳолатнинг гувоҳи бўлдим. Она уйда “ҳоким” бўлиб олган. Отанинг ўрни, ҳурмати йўқ. Фарзандлар ҳам отани менсимайдилар. Ота бечора худди ғайидек мунгайиб юради. Маошини тийингача “ўзининг ҳокимига” топширади. Кўнелини езиб дўстларини ҳам меҳмонга чақира олмайди. Бундай носоглом оилавий муҳитда тарбия топган, ўз отасининг ҳурматини жойига қўйолмаган фарзанд ўзгаларни ҳурмат қилармикан?

Яна бир танишим бор. Топармон-тутармон йиғит. Бир кунги уфатлари билан турган экан, ўғилчаси ҳам енида эди. Яқинига борсам, бойвачча ота ўғлини шундай мақтайптики, ҳайратдан еқа ушладим.

— Ҳа, ота ўғил, амакиларингга ўғил болалигини кўрсатиб қўй... Норасида гўдак, ҳали оғзидан она сутининг ҳиди кетиб улгурмаган 3 яшар боланинг оғзидан шунчақанги “ширин” сўзлар чиқдики, тавба дейишдан бошқа илож қолмади. Ҳалиги амакилари ҳам болакайни мақтаб “ҳақиқий ўғил бола экансан” дея эркалатяптилар.

Бундайларнинг тарбиясини олган фарзанд наинки “Мен Тоҳирни ўғлиман” дея сенсирардан, балки эртага тутволиб дўппослашдан ҳам тоймайди. Бу ҳол ҳозирги кунда ҳам учрамоқда. Бунга биз биламиз, бироқ билганимиз ҳолда тан олинми истамаймиз. Биз ўзимиз ешларга шундай шароит яратиб бераётганимизни билиб билмасликка оламиз. Ҳа, биз баъзи ешлардан нолиймиз, ешлар бузилиб кетяпти деб аюханнос солаемиз, унинг илдири қаерда эканини ўйламаймиз, йўқ, ўйлашни хоҳламаймиз. Унинг илдири оиладан қидириш керак. Зеро, доноларимиз биллиб ўйташган: “Куш уясида кўрганни қилади”.

Ҳикматуллоҳ КАМОЛИДИНОВ

Етти кун

СИЗ-БИЗ“ ВА “ЖИЗ-БИЗ“

Академиклар шаҳарчаси енида йўловчиларни ташиб юрган бир “маршрутка” дан енгин чиқди. Бир пасда машина атрофида томоша талаб оломон қаливланди. Улар, бири ўт ўчирувчиларни қақириб керак деса, бирови енаётган машинага ичи ачишаётганини билдирарди. Шунда кўчаларга сув сепиб юрадиган машина қаердандир етиб келиб шофирнинг жонига оро кирди. Чаққонлик билан ишга киришган йиғит то ўт ўчирувчилар етиб келгунга қадар енгинни ўчиришга ҳаракат қилди.

Шофирларнинг куйиб-пишиб қилаётган ҳаракатини енгиннинг ўзларига зиён етказиб қолиши мумкинлигини ҳам ўйламай томоша қилаётган одамлар секин тарқала бешлашди.

ЎҒРИЛАР “МУСУЛМОН“ ЭКАН

Тошкент шаҳрининг бир хонадонга ўғри тушди. Уй эгаларининг бошқа жойда яшаётганлигидан фойдаланган ўғрилар ешикни бузиб ичкари киришди. Сўнгра... Ховадон соҳибининг айтишича, бутун уй остин-устун бўлиб кетган. Аммо, тит-тити чиқарилган буюмлар ичида ҳеч нарса йўқолмаган. Фақат, жавонда турган араблар юртидан келтирган “Қуръон” ўғирлаб кетилган.

КЎНГИЛ САВДОСИ

Бухоро вилоятининг Олот туманида яшовчи 63 ешли “қирчиллама” бобойнинг 62 ешли момога ишқи тушиб қолди. Бўлажак куев келинининг розилигини олган ҳамоно тўй-ҳашамсиз уни олиб қочиб кетди. Муҳаббат — кўнгили савдоси, у ҳеч қачон еш таниламайди, деган гап бежиз эмас экан.

ТАҲРИРИЯТДАГИ ДАРС

Яқинда Тошкент Педагогика институти “Одобнома” факултети талабалари устозлари А. Хидиров етагида таҳририятимизга таширф буюришди. Бунда муҳарриримиз Абдуҳошим Ирисбой ва муҳаррир ўринбосари Ҳалим Сайидлар иштирокида амалий дарс бўлиб ўтди. Дарс талабаларда катта таассурот уйғотди. Дарс сўнгида таҳририят илм товлари билан уларни қизиқтирган масалаларни очиб беришда ердан беражақлари, газет саҳифаларида улар учун ҳам жой ажратажаклари ҳақида келишиб олди.

ТАБИАТ ЭРГАШИБ КЕЛДИ

Олтиариқлик бир акамиз ўз машинаси билан тоққа чиқиб, нақ бир ҳафта дам олиб келди. Уйига қайтган ун кунлар машина енига йўламади. Бир вақт машинасини очиб қараган “табиатсевар” жанобнинг пелюнаси тиришиб қолди. Сабаби ўриндиклар оралиқларини бир текис униб чиққан замбуруғлар эгаллаб олган эди.

БУНГА НИМА ДЕЙСИЗ ?

“Туро” меҳмонхонаси енидан Ўрда тарафга кела бошлаган (Тошкент шаҳрида, албатта). 50 қадамлар чамаси юрганниингиздан сўнг хиебон бошида ўрнатилган едорликка ўхшаган нарсани кўрасиз. Сичқиқлаб қарасангиз “Вся власть советам” деган езувни ҳам илгашингиз мумкин. 1917 (йил) иловаси билан.

Айтганча, бу қақирқини ўқиб, мағзини ҳали қақиб ҳам улгурмай, яъни 50 қадамлар ҳам юрмасингиздан Шайхонтоҳур туман ҳокимияти бивосининг рўпарасидан чиқасиз.

“ЖИГУЛИ“ ХАФА БЎЛДИ

Ҳўжданлик бир киши “Жигули” маркали машинаси сотиш учун бозорга чиқди. Ҳаридорлар машинани 800 миң рублга боҳолалди. Бироқ, мулк егаси қадрон бўлиб қолган машинасини бу нархда соттиси келмай уйига қайтди. Келса, ўғли ешагини араваси билан 1000000 рублга мол бозорда сотиб келган экан. Ота ўзидан ҳам ва ўғлидан ҳам мамнун бўлиб кетди.

ДУНЁГА ТАНИЛИШНИНГ ЯНА БИР ЙЎЛИ

Яқинда Қурянда Қўшилмаслик ҳаракати мамлакатлари ва ривожланаётган давлатлар кинематографчиларининг халқаро кинофестивали бўлиб ўтди. 47 та давлат қатнашган бу фестивалда Ўзбекистон киноусталари томонидан тайёрланган (режиссер Исамат Эргашев) “Темир хотин” фильми юксак олқишга сазовор бўлди. Фильмга фестивалнинг “Янгича талқиндаги кино асари” соврини берилди. Бу ҳақда газетамизнинг келгуси сонларидан бирида батафсил маълумот олишингиз мумкин.

Ўз мухбирларимиз хабарлари асосида тайёрланди

Обуна—95

ҚОЙИЛ ҚОЛДИК

Биз кексаларга “Оила ва жамият” да чоп этилаётган мақолалар маназур бўлмоқда. Айниқса, яқинда эълон қилинган бир француз аёлининг рак касалига учраб мусулмончиликини қабул қилгани ва Маккага бориб, Оллоҳга ёлбориб, ўз дардига шифо тилаб оби замзамга чўмилиб, бу оғриқ дарддан халос бўлгани ҳақидаги мақола жуда маъқул келди. Мақолани чойхона ва мачитда, жамоат ичида ўқиб берганимизда, Оллоҳдан бандаси нима тиласа бериши мумкинлигига ишониб эшитганларнинг кўзларига ёш келди.

Чой ҳақидаги мақола ҳам биз газетхонларга ёқди.

Редакция ходимларига шундай қизиқарли мақолалар бериб турганлари учун катта раҳмат. Илоҳий умрларингизга, ижодий ишларингизга берака берсин, омин!

Абдуфаттоҳ ҳожи НАБИҲЎЖА ўғли,
Республикада хизмат кўрсатган маданият ходими

Дераза
“ОВРУПО ГЎЗАЛИ”
КОНКУРСИДАГИ
“АЖОЙИБОТЛАР”

Навбатдаги бу конкурс Истамбулда бўлиб ўтди. Бунда журналистлар ҳам анча пул ишлаб олишди чоги. Матбуотда “мисс”ларнинг одоб-ахлоқи, “ўзини тутиши” ҳақида турли материаллар босила бошланди. Уларнинг фотоаппаратлари Оврупо гўзаллари муҳаббат ўйинларининг кўпини суратга туширди. “Хафтасону” журналининг муқовасида конкурс ташкилий қўмитасининг аъзоси, туркиялик О. Сандиқчи ўғлининг ўғли билан фаранг гўзали Паскал Болиннинг автомобил ичидаги ажабтовур кўринишидаги сурати босилди. Италия гўзали меҳмонхона йўлагиди Суат Булутнинг кучоғида “пайдо бўлиб” қолганига ҳам суратчилар “айбдор”. Люксембург гўзали Санди Вагнерни суратчилар камераси турк монекени билан... юкларни ташийдиган тележка ичида “тутиб олибди”.

ҚАМОҚХОНАДА
КОВУРИЛГАН ЧЎЧҚА

Ижевск шаҳридаги “Гамбит” фирмаси қовурилган чўққали дастурхон билан тиканли сим ортидаги кечаги мижозларни чорлай бошлади. Фирма директори Анатолий Волковнинг айтишича, Каркалай қишлоғидаги “зона”га саёхат мудофаа комплексига тегишли бўлган обрўли бирлашмаларига мумкин. Ишга тааллуқли муҳокамалардан сўнг сайёҳлар қамоқхона хоналарини томоша қилишлари, “зек”лар билан суҳбатлашиб, суратгайм тушишлари мумкин. Қамоқхона овқати емаганларга, бошқа овқатлар ҳам тайерланаркан. Саёхатнинг нархи 500 доллар. Қамоқхона томошаси учун биринчи гуруҳ йиғилди, деб ёзади “Труд” газети.

КАЙЛИК БИЛАН
ЎЙНАШМАНГ!..

Татаристонлик бир қизнинг турилган кунини унинг охири кунига айланишига бир баҳа қолди. Унинг яхши кўрган йигити — тиббиет институти толиби унга ажойиб совға олиб борди. У бозордан кичкина қуёнка сотиб олиб ухлатувчи дори билан укол қилиб ухлатгач, “Орзу” тортининг тағига жойлаштирибди. Ухлаётган совға стол устига тортилди. У кўп ўтмай уйғонди-да ликобча орасида юра бошлади. Даҳшатга тушган қизнинг дугоналари чийиллаб юборишди.

Турилган кун соҳибасининг асабиям, юрагизам кучсизроқ эканми, ҳушнинг йўқотди. Ўзига келгач қиз қув ё бўлмишга эшикни кўрсатди.

“БАНАНХЎР”

Уфалик дўхондорлар банан солинган кутини сим билан тортиб олаётган 17 яшар ўғрини тутиб олишди. Унинг қўлини боғлагач дўхоннинг ички хонасига судраб киришди-да, “кутидаги ҳамма банани есанг яхшиликча қўйворамиз”, дейишди. Бананларни бирма-бир ўғрини арчиб кечирим сўрагунча ўғрининг озига тикишди. Кейин ҳисоб-китоб қилишди. Ўғри 6,5 кг банани “туширибди”. Кейин хизмат ҳақи ва ейилган банан учун ҳақ талаб қилишди. Лекин, ўғрининг чўнтаклари бўш эканлигини кўргач, барибир милиция қақришга мажбур бўлишди.

ПОЛИЦИЯНИ ЎГРИ УРДИ

Париждаги “Полициянинг ўртимшдан ҳозирги кунига” номли кўргазмани ўмариб, Франг ўғрилари полициячиларни роса доғда қолдиришди. Туну-кун соқиллик қилаётган полициянинг икки патрули орасидан ўтиб, бионинг ичкарасига кириб эспонат вазифасини ўтаётган қурол ва тиеҳванд моддаларини ўғирлаб кетишди.

АЁЛЛАР ВА ҚОЗИ

Ҳиндистоннинг Музаффарнагар шаҳри судяси Қумарни Ҳиндистон аёллар федерацияси тезда истефога чиқшини талаб қилиб чиқдилар. Қози кўпчилик орасида эҳтиётсизлик қилиб “Агар аёлни кимсасиз жойда елгиз учратса ҳар бир эркакда уни зўрлаш иштиёқи туғилиши табиий”, деб юборган экан.

Хорижий матбуат газеталари хабарлари асосида тайёрланди

Шундай эмасми? Ҳар бир инсон сочлари соғлом, чиройли бўлса, ораста юрса бир ҳуснига ўн ҳусн қўшилади. Лекин соч нафақат чиройли кўриниш учун балки сизни бошингизни ҳар қандай чангдан, қуёш нуридан, совуқдан сақламоқ учун ҳам керак. Шунинг учун сочини асрамоқ, болаликдан бошлаб парвариш қилмоқ мақсадга мувофиқдир.

Соч мустаҳкам, яхши ўсиши учун куйидаги рецептдан фойдаланишни тавсия этамиз: Баргизуб, мармарак (шалфий), газанда ўт. ва райхондан тенг қисмдан олиб аралаштиринг. Аралашмани бир стакан қайноқ сувда дамлаб бир соат тиндириб, сўнг доқада сузиб олинг. Қора нондан бир бўлак олиб, дамламада яхшилаб эзинг. Аралашмани иссиқ вақтида бошингизга чаплаб устидан

полиэтилен рўмол ўранг. Икки соатлардан кейин бошингизни илиқ сувда совун суртмасдан ювиб, яхшилаб чайинг. Агар иситилган пиво билан чайсангиз, сочингиз ҳар қандай кўринишда тарасангиз ҳам ўшандай бузилмай узоқ туради, мустаҳкам ва хушрўй бўлади.

Айрим кишилар сочини кир совун билан ювади. Кир совун билан

ҳар қандай чангу кирлардан сақлайди.

Кўп одамлар айниқса, ёшлар офтобда бош яланг юришади. Бу зарарли. Иссиқ кунда бош кийим кийиш шарт.

Эркаклар кўпи билан ҳар 4 йилда сочини баҳор-куз ойларида олдириб турса, нозик толалар ўрнини йўгон, қаттиқ толалар эгаллаб, бош териси парваришланади.



я х ш и парваришланади. Сочингиз мустаҳкам бўлиши учун ўз вақтида яхши дам олиш, спорт билан

ювиш ўта зарарли бўлиб, бош терингизни қуритади, қазғоқ тушириб сочини пахмоқлаштириб ташлайди.

Сочни ёмғир (юмшоқ) сувда ювиш фойдали. Бундан ташқари қаттиқ сувларни ҳам юмшатиш мумкин. Ичимлик сувни қайнатиб унга

бир чой қошиқ ичимлик содаси ёки уккус қўшиб сочингизни ювсангиз силлиқ бўлади.

Сочингиз агар қуруқ ёки ўртача ёғли бўлса, “Детское”, “Туалетное” совуни, “Лада” шампуни билан ювинг. Юваётганда аста-секин бармоқларингиз билан массаж қилган ҳолда ювиш керак. Сочингиз унча ёғли бўлмаса тез-тез ювманг. Массаж тароқ билан кунда 2-3 марта тараб турсангиз (ёғ) кирлар тозаланади, бош териси яхши о з и қ л а н и ш и, ривожланишига катта таъсир қилади. Ёки ҳафтада 2-3 марта лимон суви билан ювиб турилса, бу сочини соғлом ривожлантириб,

шуғулланиш, витаминларга бой озик-овқатларни истеъмол қилиш, айниқса, таркибида В витамини кўп бўлган гўшт, жигар, нўхот, тухум, сут-қатик каби маҳсулотларни еб туриш фойдалидир.

Асаб системасида бузилиш бўлганда ёки модда алмашинуви бузилганда соч тўкилиб қолиши мумкин. Бунда ўзингизча муолажа қилмай, дарҳол шифокорга мурожаат қилмоқ даркор.

Сочни бўяш кўпдан одат тусига кириб қолган. Лекин химик препаратлардан фойдаланиш маълум вақт сочингиз рангини ўзгартирса-да, соч толаларини эрта оқаришига олиб келади.

Шунинг учун энг яхши буюқ хна билан басманинг аралашмаси ёки “Лондеколар”, “Калестон” каби шампунларни ишлатиш маъқулдир.

Соч ўта ёғли бўлса ҳафта тўлишини кутмай 3-4 кунда ювиб туриш керак. Соч ёғли бўлиб, кирланса тери нафас ополмай қолади. Натижада соч тўкилади.

Сарёғда қовурилган нон, калла-пача шўрваси, сут, қатик, турли хил сабзавотлардан кўпроқ истеъмол қилсангиз сочини яхши ўсишида фойда қилади.

Исмоил ОРОЛОВ тайёрлади



ЎЛАБРИКЛАЙМИЗ!

Севимли АСИЛБЕК! Сени 3 ошга қадам қўйишинг билан табриклаймиз, ва узоқ умр, сиҳат-саломатлик, бахт-саодат тилаймиз. 10 эингдан табассум, лабиндан қулғу аримасин. Келажакда соғ ва бахтли бўлсин деб, ОТА-ОНАНГ, оланг ЧАРСОЙ, аканг, ОТАБЕК ***

Ўлмасой САЙДҚОСИМОВА! Тўрт баҳорни қаршилаганинг қулғу бўлсин. Барчинодан қиз бўлиб етишсин. аканг МАЪМУР, даланг МАҲКАМ ***
Қадри дўстими Тўлқин ФАРМОНОВ! Сизни инсон умрининг гултоғи бўлиши 30 эингиз билан табриклаймиз. Соғлик, оилави

томуелик, эл меҳри ҳеч қачон тарк эмасин. Илм машаққатлари сизга ҳаммаша ҳузур бахш этаверсин. Утмизингиз ҳарорати сизга бир умр ошно бўлиб қолсин, деб **ДУСТЛАРИНГИЗ** ***

Эркатой синглимиз Гўлруҳой ДЎСТМУРОВА! Сени 10 эинг билан чин дилдан табриклаймиз. Келажакда оқила ва камтар, хушрўй ва зукко инсон бўлиб етишишига тилакдошимиз. Болалигингиз сермаъно, ўқишларингиз “5” бўлсин. **НОРМУРОД, МАТЛУБА** Самарқанд вилояти, Иштихон тумани А. Навоий жамоа хўжалигининг Катта-Қангли қишлоғи ***

Азизам ИНОБАТ! Таваллуд айеминг қулғу, ҳаётнинг баҳорий гуллардек гўзал бўлсин, чеҳрангдан табассум аримасин. Бажитмега ҳаммаша соғ-омон бўлсин. **АБДУГАНИ,** Самарқанд вилояти, Челақ тумани

Оила
68 ЁШДА

Самарқандданман. Катта боғ ҳовлида ёлғиз ўзим яшайман, фарзандлардан тинчиганман. Менинг истагим ушбундан иборатки, менга 45 ёшгача икки дуненинг оқибатидан хабардор бўлган биргина аёл — умр йўлдош керак. [фарзанди бўлса нур устига]. Ўзим соғлом тетикман. Бир оилани тебратиш учун қурбим етади **“Оила-374”.**

42 ЁШДА

Бухородан. Касби — механизатор, очиқ кўнгли, меҳнатсевар, зарарли одатлардан холи, хушфеъл инсон. Турмуш ўртоғи билан кўнглисиз бўлиб ажрашган. Ҳозирги пайтда онаси билан бирга яшайди. Турмушни яхши тушунган ибодли, истаорали жувон билан танишиб бахтли оила қурмоқчи **“Оила-375”**

